

TITO

Tito e Helene ñic. Paulozi miti qazucneme manawec (Galata 2:3). Paulo e rame ra jume ju ecnewec. Paulo â Banaba jahe Jerusalem haeo rapire bâjâpec-jofame māmâc rambij (Galata 2:1). Juku Paulozi soreme ñic jañere papia barame jajahec ewec. Zâhec ine Paulozi Kreta mucko râeme juhuc irecnec miti mamana hone soñañ ejarewec. Paulo e Makedonia mârenko juhuc Tito papia râecnewec, ehuc erao raocte qârenkecnewec (**gañ 3:12**). Timoteore papia i qârenkewec damen ijaha Tito ere qârenkewec wâc.

Kreta miti mamana jañerao Judanjic fisirâ mañ bāsifuc ejarembij. Â Kretanjic jañacnaonec gâcnezi mañko fuac dâñ mumbij. Eme ñic ñokac jañe dâñ i â i māmâc manarâ mitio wiac esifuckezo embij. Eme Paulozi irec ugdâñ qârenkewec (**gañ 1:10-16 â gañ 3:8-11**). Erâ micne bapa jañere dâñ i māmâc qârenkewec.

Tito e Kreta nucko Jesure kikefuj jumbij jañere micne erâ juku ijaha hāmowec.

Mumuzâwe â jambuñdâñ

1 Paulo, Anuture kinanjic â Jesu Kristore aposolo, no gie munarekicne i Anuture bâwosâecfâc jañe mamasanighec enigte â dâñ fâri qizecne mitio fokac i mana taranigte; ²ehuc juju sanante bigedâñ, Anutu burec tâmiriczî mârâc jaha damen mi fowecko muwec, i manahuc juju sanaj worickehuc junigte. ³Dânticne i hâcne damen-ticnao mufuahuc Anutu bâbâpiañ-nâñeczî noni muromackepemurâ mupañke-narewec. ⁴Eme mamasanig wirec fonârekacte moñec jâmbâñ-nane jukomec Tito go hâcne papia zî râe-garekopac. Anutu Mamac â bâbâpiañ-nâñec Kristo Jesu eraonec aki anonoc â wama gorao fotâcnerâ fozejec.

Soñañ micne bapa jañere dâñ

⁵Gie tofane fokac i bataracmurâ Kreta nucko hetaracgupo, irec gazapo iguc ehuc hae sâc soñañ râec-jopa razemec. ⁶Ñic moc bahac fâsâc â ñokac mocjahahec juocmu, erâ naru motecfâcne mitiheç â zaubac tâmiric â pepecne tâmiric junigmu, ñic igucne râec-jopazemec. ⁷Micne bapa moc e Anuture gie soñañkeekaczi bahacmâc juzejec, ehuc pepecne tâmiric â zâzâicne tâmiric â waiñ âmbâñ mi nânâ â zikare aafec tâmiric â monen mafare sasec tâmiric, iguc juzejec. ⁸Erâ jaughec â wiac biagne sasawa dodopecke â wama ruaine, tiñne, arañ bapanehec â sowa bâtâcheç juzejec. ⁹Mitidâñ mu qaqazuc ehuc hatane basanañkekicne i pañnea bajuzejec. Eme izi tâpiri râcneme dâñ fâri biañ ñic qazu-jarehuc mu sawañ ejarezejec â miti âke sipuengopienj jañere dâñ bawahazejec.

Mumusifuc â eeatuc ñic

¹⁰Ñic bocjahazi rângegne â dâñ racne mumu â eeatuc-jeñicheç juñ-

1:3 Efe 1:9, 10; Tim I, 1:1, 11 1:4 Tim I, 1:2 1:6 Tim I, 3:2-4 1:7 Kor I, 4:1; Pet I, 5:2;
Tim II, 2:24 1:9 Tit 2:1; Tim I, 1:10; Tim II, 4:3

gopien, Judañiczi opâ ruac jañerao wemo afecnezi iñuc jungopien. ¹¹Ñic izi hâcne monen mafare erâ, mumusifuc-jenic qatarakicne i musawehuc garikin gâcne furu jaha ba sipiric ejareengopien; ñic iñucne jañere mic qâbâzickezo. ¹²Kreta jañacne porofete moczi zinguc muwec: "Kreta ñic jañe burec hati, qowi mimicne â wiac âmbân nânâ." ¹³No dân i manape jâm-bomac ekac. Irec go mu bâtiñ sanagne ejaretec mamasaninzi bâqârec-jopame qiqic qanzepeien. ¹⁴Ehuc Judañic jañere mamana gufuc dân racne â ñic dânfâri râpeckembin jañere sâcmutâc dân mi mananzepeien. ¹⁵Mañqa-qachec juengopienzi wiac sasaware manapie qaqacne eekac. Â sâqocnezi manjenic bâbiekume mamasanin tâmiric embin juengopien, jañe ine mamana â mánjenic mâmâc wâwânâñhec efârewecte wiac mocte manapie qaqacne mi eekac. ¹⁶Jañe, Anuture fuñne manaengopenen, miczi iñuc muhapie eebapa-jeniczi ine mickeekac. Jañe ñic mamakâcne â dân qaqatara, â gie bianne moc bapanere sâc mâcne.

Ñic ñokac kâcqene jañere dân

2 Go ine miti riucdân fokac irec sâcko jaza mutâc ezemec. ²Ehuc mutec ñic kâcqene jañe sowa bâtâc â metâne â wama ruaine jupie mamasanin â mañjaun â mañuruc furu fojarezejec. ³Erâ ñokac kâcqene iñuc jaha jazatec miti ñokac fârine erâ gupe micko âkec tâmiric â nârâmbe tâmiric juhuc juju bianne qaqazu enzepeien. ⁴Ehuc ñokac socqâri jaza mutâc epie gowe qiefâc-jenic jaun bianne ejarenzepeien. ⁵Erâ mimihec erâ sasac tâmiric juhuc nâ qofac â wiac bâpianke emasan ehuc nowefâc-jenic sâsec-jopanzepeien. I Anuture dân susure fuazacte iñuc enzepeien.

Ñicmotec â kinañ qaqâ jañere dân

⁶Ñicmotec iñuc jaha esoc-jopatec sowa bâtâc-jenichec junzepeien. ⁷Ehuc go gahac wiac bianne sasawa irec micne bajarehuc eehâmo gie batec honerâ bâjâpecgunzepeien. Miti mutigneñuc â bâmâckehuc jazazemec. ⁸Erâ hata sanan fokac irec sâcko musaricketec kisâ jañere mañ henzanñeme jañe burec enâreninñe dân basarâ behenzepeien. ⁹Kinañ qaqâ jazatec bom-bonfâc-jenic jañere dân renje-fârehuc kinañ bianne qajarenzepeien, ehuc micjeñicko mi ronzepeien. ¹⁰Erâ fiuc sereren tâmiric juhuc wiac-jenic hone qâzuc ehâmonzepeien. Iñuc ehuc bâbâpian-nâñec Anutu dânñicne ba eric eçneniñmu.

Žure baqâqac enârekicnere juju jangenñao juzo

¹¹Mâren sâc ñic biangkenañte Anuture aki anonoczi bâtâcne bâtimuñ ewec. ¹²Erâ izi bâfiriec-nâpohuc bâtiñ-nâpohame qâpuc hata â wiac jawanere andac i qikinñerâ mâren žira wama ruaine â tigne â mitine junzepeien. ¹³Iñuc juhuc Anutu sâko â bâbâpian-nâñec Kristo Jesu ere eri tatamac fua tâcneme juju añacko fisinanñe irec mamasanac junzepeien.

1:11 Tit 3:6; Joh 10:12; Pet I, 5:2 1:13 Tim II, 4:2 1:14 Tim I, 4:7 1:15 Mat 15:11; Rom 14:20
1:16 Tim II, 3:5 2:1 Tim I, 6:3; Tim II, 1:13 1:2 Tim I, 5:1 2:3 Tim I, 3:11 2:5 Efe 5:22
2:7 Tim I, 4:12; Pet I, 5:3 2:8 Pet I, 2:15 2:9 Efe 6:5; Tim I, 6:1; Pet I, 2:18 2:10 Tit 1:3
2:12 Efe 1:4; Joh I, 2:16 2:13 Kor I, 1:7; Rom 5:2; Fil 3:20

¹⁴Eki hâcne nâgâcnere due bahuc sindanjkonec bâhoc-nâpowec, erâ fuŋ-fuŋfâc-ticne juhuc mitire fârine zoqac erâ bâfuananŋe zure bâpiaŋ enârewec. ¹⁵Go paŋzâic erâ dâŋ i hâcne jazahuc mu sawaŋ â mu bâtiŋ ejareze-mec. Ŋic jaŋe go mi hucgunzepieŋ.

Tiri Mâroraconec fufua qâricne fuambenŋ

3 Go dâŋ heqâre-jarehuc jazatec ŋic jaŋe kia gawaman â fekicne araŋ bajarehuc dâŋjeŋic renkenzepieŋ, erâ gie biagne fuŋne fuŋne fokac irec afeckerâ banzepieŋ. ²Erâ mumusoriŋ â dâŋ mumuc mi enzepieŋ. Aricne, wamane juhuc ŋic maŋuruc ejare-fârenzepieŋ. ³Nâgâc mârâc jaha iŋuc jaha maŋmutuc erâ râŋgeŋne juhuc qac qâsoric ejumbeneŋ. Erâ sasac fuŋne fuŋne irec kiŋaŋ qahuc sindaŋ â iŋguuŋ bâfuârâ mamakâcne erâ kikisuec ejumbeneŋ. ⁴Izi zâhec ine bâbâpiaŋ-nâŋec Anutu uruc jaŋuŋ â buafec-ticne fua tâcneme ⁵eki nâgâc tiŋne juhuc gie moc bambenŋe mâcne, buuruc-ticnere erâ juju qârîre opâzi â Tiri Mâroraconec fufua qâric-nezi bâpiaŋ-nâpowec. ⁶E bâbâpiaŋ-nâŋec Jesu Kristore erâ Tiri Mâro afecne mi qoŋgiŋke-nârewec. ⁷I nâgâc Kristore aki anonocce erâ kiŋnâŋec fâsâeme juju sananŋe mamanac juku rauckenanŋe iŋuc enârewec.

Dâŋ fârimâc qikiŋnezo

⁸Dâŋ i jâmbomac, eme go qicwânzâŋ erâ âkendâŋnetec Anutu manasiŋ-keenggopieŋzi eehâmo gie baniŋte zoqac enzepieŋ. I wiac biagne, i epie ŋic jaŋuŋ bacjopaocmu. ⁹Â mugufuc dâŋ jawane â fuŋne qaqa dâŋbiri â sâc-mutâc dâŋte mu qaqatarac â bac bârisic ine geŋkezemec. I wiac racne â fârimâc. ¹⁰Ŋic hâme âkefâucne moc uŋdâŋ mocjaha me jajahec âzâcne-tecne qikiŋneme behetec buc juzejec. ¹¹Go manakic, ŋic iŋucne e qaqa-haricne, maŋnezi mumu hehec ecne-bipieha sâqocne baekac.

Mumutara dâŋ

¹²No Atema me Tikiko sorepe gorao fâ fisime biac Nikopoli hao ware bâfuacnuzemec, no hae ira hâcne hoemaŋko juzo mukopac. ¹³Sâcmutâc mamana ŋic ŋena â Apolo jahe miti kiŋaŋ ranicte nânâ mafa wiac bâmoc-ke-jactetec wiac mi basahuc bititiezepirec. ¹⁴Ŋicfâc-nâŋec jaŋe wâc eehâmo gie baku maŋjeŋic ezejec, eme sahacte dope babasa fuaocmu sâc jaŋuŋ gie bapie miti-jegiczi fârînehec ezejec. ¹⁵Ŋic nohec juenggopieŋ jaŋe sasawa go mânasu-garengopieŋ. Mitio âgo enâreenggopieŋ jaŋe manasu-jarenggopenenŋ irec wâc jazazemec. Aki anonoczi sâcŋopa-fârezejec.

2:14 Gal 1:4; Tim I, 2:6; Efe 2:10; Mi Mâ 130:8; Wah 19:5; Sâc 14:2; Eze 37:23; Pet I, 3:13
 2:15 Tim I, 4:12 3:1 Pet I, 2:13 3:2 Fil 4:5 3:3 Kor I, 6:11; Efe 2:2; 5:8 3:4 Tit 2:11;
 Muq 8:31 3:5 Efe 2:8, 9; 5:26; Joh 3:5; Tim II, 1:9 3:6 Joe 2:28 3:7 Rom 3:24
 3:9 Tim I, 4:7 3:10 Joh II, 1:10; Mat 18:15, 16 3:11 Tim I, 6:4, 5 3:12 Tim II, 4:12
 3:13 Apo 18:24; Kor I, 3:5, 6 3:14 Tit 2:14; Mat 7:19; Efe 4:28, 29